

Icipingo icabana Camiletela

Paska yakutendeka



Calilembwa na: Edward Hughes

Uwalangilishe: Janie Forest

Abapilibwile: Phiri Williams

Yasendwa na: Lyn Doerksen

Ilyashi 54 ya ishili 60

www.M1914.org

Bible for Children, PO Box 3, Winnipeg, MB R3C 2G1 Canada

Kupoke nsambu: Mwalikwata nsambu uku senda no ku printa ilyashi ili, cikulu mwikashitisha.

Chibemba

Bemba

Namayo aliminine pambali
ya lupili, amenso yakwe
mubulanda yalelolesha
ku calecitika icibi.
Umwana wakwe ali
mukufwa. Uyu
mayo ali ni Maliya,
aiminine mupepi
ne ncende
uko Yesu ba
mupopele
pa musalaba.



Nga fyacitike shani
fyonse ifi? Nga Yesu
kuti apwisha shani umweo
aikele munshila iyabipa
ifi? Nga Lesa
kuti aleka
shani
umwana
wakwe
apopwe pa
musalaba no
kufwila apopene?
Bushe Yesu alilufyanya
pafyo ali? Bushe
Lesa alifililwe?





Iyo! Lesa tafililwe. Yesu talufyenye iciliconse. Yesu alishibe ukutula bakamwipaya ku mbifi. Nangu ilyo Yesu ali akanya, shikulu Simioni alyebele Maliya ukuti pali ubulanda pantanshi.

3



Kwashele inshiku ishacepa ukuti Yesu bamwipaye, kwalishile namayo uwaitile amafuta yanunkila ku makasa yakwa Yesu. "Aleposa ulupiya," baliilishanya abasambi bakwe. "Abomba encito nsuma," Yesu alibebela. "Acita ici pakupekanya ukushikwa kwandi." Amashiwi ayakosa nganshi!

4

Panuma ya ifi, Yudas umo pa basambi ikumi na babili alisuminina ukushitisha Yesu ku bapatili pa makumi yatatu aya siliva.




5



Pali cuti wa paska wa ba Yuda, Yesu alile icakulya cakupelesha na basambi bakwe. Alibebela ifintu ifisuma ifikuma Lesa ne filaya fyakwe ku ba mutemwa.

6



Yesu alibebela ulukombo no mukate banwemo bonse. Ifi fyali fyakubebukisha ukuti umubili no mulopa wakwa Yesu fyalipelwa filete ubwelelo pa membu shesu.

7

Yesu alibebela ba cibusa bakwe ukutula pali uwala mushitisha, kabili bena balabutuka. "Nshabutuke" Petro alikene. Yesu atile, "Ilyo mukolwe talalila walankana imiku shitatu."




8



Mukati kabushiku, Yesu aile mukupepa mwibala lya Gesemani. Aba abasambi abali nankwe bali pona mutulo. "Oo mwe Tata" Yesu apepele, "... lekeni ulu lukombe lumpitilile. Tebufwayo bwandi, lelo ubufwayo bwenu bucitwe."


9

Mukashita akacepa mwaliishile abantu mwibala abaletungululwa na Judas. Yesu takene, lelo Petro aliputwile ukutwi kwa muntu umo. Ukwabula ukulanda nelyo kamo, Yesu alibula ukutwi nokumuposha. Yesu aliishibe ukutwila uku kumwikata kwali bufwayo bwakwa Lesa.




10

Balimusenda Yesu nokumutwala ku ng'anda ya mupatili mukalamba. Bapatili aba kulya kwine batile Yesu afwile ukufwa. Mupepi, Petro aliminine pambali ya mulilo wa ba bomfi.



11

Imiku itatu balimulolekesha Petro nokutwila "Wali na Yesu!" Imiku itatu Petro alikene, ukulinganafye nefyo Yesu asosele. Petro alilapisha noku lapila.



12


KOKO-LI-KOO

Apopene na mukolwe alilila. Cali kwati lishiwi lya kwa Lesa kuli Petro. Pakwibukisha amashiwi yakwa Yesu, Petro alililile.




13

Yudas nao alyumfwile ubulanda alishibe ukuti Yesu takwete umulandu nangula ulubembu.




14



Yudas aliya bwekesha ama siliva makumi yatatu yalya, Lelo abapatili tabapokelele. Yudas aliposele ulupiya panshi. Efyo afumine nokuya ikulika.

15




Aba patili baletele Yesu kuli Pilato, cilolo wa ba Roma. Pilato atile, "Nshisangilemo umulandu muli uyu muntu."

Lelo abantu bali konkanyapo ukupunda, "Mutaniken! Mutaniken!"

16

Pampela Pilato alisumina nokupingula ukuti Yesu afwe pa musalaba. Abashilika balimupanike Yesu, ukumufwishila amate kumenso, nokumulopola ifikoti. Balipangile icisote ca myunga nokumu fwalika kumutwe. Elyo bamu popele pa lupanda ukutla afwe.



17

Yesu alifye uwaishibaukutula enshila akafwilamo iyiyine kabili alishibe ukuti imfwa yakwe ikaleta ubwelelo ku babembu ababika icicetekelo muli ena.

Bapompwe babili balitanikwe pamo na Yesu. Umo alisubila muli Yesu nokuya ku paladaizi elyo uyu umbi ta subile.

18

Panuma yashakucucutika, Yesu atile, "capwa," nokufwa afwa. Incito yakwe yalipwililika. Ifibusa fyali mushikile mumanda.



19

Abashilika ba ku Roma baliisalapo pa manda nokulonda. Eico takwali uwakwingila nangula ukufuma.




20

Uku nga ekwali ukupwa kwe
lyashi, nga cali ca bulanda.
Lelo Lesa acitile icintu
icawama nganshi.
Yesu taikalilile
uwafwa!



21

Lucelo-celo ubushiku bwa
kutendeka kwa mulungu,
abasambi ba kwa Yesu
bamo basangile icilibwe
nacisela ukufuma
pa luputa. Elyo
baloleshe mukati,
Yesu talimo.



22

Namayo umo ashele alelila kumanda.
Yesu alimumonekela! Alibwelele
mukwangufyanya ukuya eba
aba sambu banankwe.
"YESU ALIMUMI!
YESU NA BUKA
KUBAFWA!"



23

Nomba Yesu alishile ku ba sambu,
nokuilanga iminwe sha filonda. Cali
cishinka. YESU ALI UMUMI NAKABILI!
Alimwelela Petro pamulandu wakumukana
nokweba abasambi bakwe ukweba abantu
bonse pali ena. Elyo abwelelemo Kumulu uko
afumile pa krismasi yakutendeka.

24

Paska yakutendeka

Ilyashi ukufumina mu cebo cakwa Lesa,
Icipingo,

isangwa mu

Mateyo 26-28, Luka 22-24, Yohane 13-21

"Pakwingila pa cebo cenu cipela ulubuto."
Amalumbo 119:130

Lesu alishiba twalicya ifintu ifibi, efyo eta
ulubembu. Ukupanikwa kwa lubembu ni mfwa.

Lesu alitutemwa nganshi alitumine umwana wakwe
eka, Yesu, ukufwila palupanda nokulipila ukupanikwa
kwesu. **Yesu alibuka nakabili** alibwekela Kumulu!
Eico Lesa kuti atwelela imembu shesu.

Nga mulekabila ukufuma kumembu shenu, soseni ifi
kuli Lesa: Mwe Lesa, nasubila Yesu afwilile ine
kabili alimumi palilelo. Ingileni mumweo wandi no
kwelela imembu shandi, ukuti mbe nobumi ubupya
kabili nkabe nenu umuyayaya. Ngafweni ukwikalila
imwe ngo mwana wenu. Amen. Yohane 3:16

Belengeni icipingo no kulanda na Lesa cila bushiku!